

Dumonda Gartmann-Albin concernent il pass en il mund da lavur en temps da la pandemia dal coronavirus

Da la pandemia mundiala dal coronavirus è pertutgada fermamain tut la populaziun, ma er l'economia. Cunzunt las restricziuns necessarias sco er la mancanza da perspectivs dattan da far.

Vinavant n'èsi betg cler quant ditg che questas restricziuns ston anc vegnir mantegnidas. Quai chaschuna puspè ina gronda malsegirezza. Quella po esser ina gronda ristga en spezial per persunas giuvas.

Per ils giuvenils che han terminà la scola è il pass en il mund da lavur in mument impurtant da lur vita. Sche quel na gartegia betg sco giavischè, chaschuna quai savens ina frustraziun e stress tant per ils giuvenils sco er per lur geniturs.

Giavischs da professiun e manaschis d'emprendissadi vegnan savens eruids ordavant u prendids en mira cun dis da fufragnadi u cun praticums curts. Ins sto partir dal fatg che quests dis da fufragnadi e quests praticums curts na vegnian betg purschids sco per il solit pervia da la pandemia dal coronavirus. Pervia da quai na pon els er betg vegnir pratitgads cumplainamain. Quai ha la finala consequenzas per ils contracts d'emprendissadi.

En quest connex vegn la Regenza supplitgada da responder las suandantas dumondas:

1. Co èn sa midads ils dis da fufragnadi/ils praticums curts areguard la frequentaziun, areguard la realisaziun ed areguard il cunteng en ils onns 2020 e 2021 cumpareglià cun ils onns precedents?
2. È il dumber dals emprendissadis che vegnan purschids sa midà durant quests onns e sche gea, en tge branschas?
3. È la Regenza da l'avis ch'il pass en il mund da lavur pudess – pervia da la situaziun actuala – esser pli difficil per ils giuvenils che han terminà la scola e sche gea, tge mesiras da sustegn concretas èn planisadas per las persunas pertutgadas?
4. È la Regenza pronta da prolungar fin l'october 2021 il termin per concluder ils contracts d'emprendissadi ed uschia il cumenzament da l'emprendissadi, sco che quai è gia stà il cas l'onn precedent?
5. Tge mesiras supplementaras per giuvenils che han terminà la scola e che han difficultads d'emprender planisescha la Regenza en vista a la situaziun economica ch'è actualmain difficila, per ch'els possian vegnir accompagnads optimalmain sin lur via en la vita professiunala?

Tavau, ils 21 d'avrigl 2021

Gartmann-Albin, Widmer-Spreiter (Cuir), Waidacher, Atanes, Baselgia-Brunner, Bondolfi, Brandenburger, Cahenzli-Philipp, Caviezel (Cuir), Danuser, Degiacomi, Della Vedova, Deplazes (Rabius), Ellemunter, Favre Accola, Felix, Föhn, Gugelmann, Hartmann-Conrad, Hofmann, Holzinger-Loretz, Horrer, Loepfe, Marti, Müller (Favugn), Perl, Preisig, Rutishauser, Schutz, Schwärzel, Thomann-Frank, Ulber, von Ballmoos, Widmer (Favugn), Wilhelm, Costa, Decurtins-Jermann, Pajic, Stieger, Tomaschett (Cuir), van Kleef